

**Razvojna banka Federacije
Bosne i Hercegovine
Predsjednik Uprave**

Broj: 2385-IX/19
Sarajevo, 20.3.2019. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda za LOT 2 broj: 2343-IX/19 od 19.3.2019. godine i člana 20. Statuta Razvojne banke Federacije Bosne i Hercegovine, u postupku nabavke usluga održavanja i servisiranja službenih vozila Razvojne banke Federacije BiH, Predsjednik Uprave Banke donosi

ODLUKU

o izboru najpovoljnijeg ponuđača za LOT 2 u postupku javne nabavke usluga održavanja i servisiranja službenih vozila Razvojne banke Federacije BiH

I

Prihvata se preporuka Komisije za nabavke iz Zapisnika o pregledu i ocijeni ponuda za LOT 2-usluge održavanja i servisiranja službenih vozila Razvojne banke Federacije BiH marke Škoda i VW broj 2343-IX/19 od 19.3.2019. godine i okvirni sporazum za predmetnu nabavku u dijelu postupka koji se odnosi na LOT 2 dodjeljuje se ponuđaču SARADIS d.o.o. Sarajevo, Vogošća.

II

Ponuda ponuđača iz tačke I. ove odluke zadovoljava sve uslove utvrđene u predmetnom konkurentskom zahtjevu za dostavu ponuda sa opcijom okvirnog sporazuma sa jednim ponuđačem i Okvirni sporazum će biti dodijeljen izabranom ponuđaču u skladu sa elementima ponude, te uslovima i kriterijima utvrđenim u obavještenju o nabavci i tenderskoj dokumentaciji.

III

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđaču koji je sudjelovao u ovom postupku.

IV

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom broj 1584-IX/19 od 25.2.2019. godine, odobreno je pokretanje postupka javne nabavke usluga održavanja i servisiranja službenih vozila Razvojne banke Federacije BiH za period od 12 mjeseci. Javna nabavka je provedena putem Konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 10.000,00 KM i to za:

LOT 1-Održavanje i servisiranje službenih vozila Razvojne banke Federacije BiH marke Škoda u ovlaštenom servisu 3.000,00 KM i

LOT 2- Održavanje i servisiranje službenih vozila Razvojne banke Federacije BiH marke Škoda i VW 7.000,00 KM.

Obavještenje o nabavci predmetnih usluga objavljeno je na Portalu javnih nabavki dana 27.2.2019. godine, broj obavještenja: 1011-7-2-129-3-6/19.

Tenderska dokumentacija objavljena je zajedno sa obavještenjem.

Odlukom Ugovornog organa broj 2805-III/18 od 28.3.2018. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija nadležna za provođenje predmetnog postupka, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda za LOT 2 broj 2343-IX/19 od 19.3.2019. godine u kojem je utvrđeno da je za LOT 2 evidentirana 1 (jedna) pravovremeno pristigla jedna ponuda i da je ponuda ponuđača SARADIS d.o.o. Sarajevo, Vogošća prihvatljiva.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Procijenjena vrijednost nabavke, LOT 2-održavanje i servisiranje službenih vozila Razvojne banke Federacije BiH marke Škoda i VW iznosi 7.000,00 KM bez PDV-a i na ovaj iznos će Ugovorni organ zaključiti okvirni sporazum na 12 mjeseci, računajući od dana stupanja okvirnog sporazuma na snagu, prema cijenama po jedinici mjere iz obrasca za cijenu ponude broj 1203/A od 12.3.2019. godine i pojedinačnog broja usluga unutar okvirnog sporazuma, do gornjeg praga vrijednosti do kojeg okvirni sporazum pojedinačnim ugovorima može biti iscrpljen/iskorišten, odnosno do ispunjenja ugovorne cijene, u zavisnosti koji kriterijum se prvi ispuni.

Imajući u vidu sve prethodno navedeno, odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u pisanoj formi Ugovornom organu-Razvojnoj banci Federacije BiH, Igmanska 1, 71000 Sarajevo najkasnije u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka, direktno ili preporučenom poštanskom pošiljkom.



Predsjednik Uprave

Salko Selman

Dostaviti:

- Učesniku u postupku
- a/a.